

天台藏

十二門指要鈔詳解

湛然寺
印行

天台藏

十不二門指要鈔詳解

湛然寺
印行

十不二門指要鈔詳解

印行者 湛然寺

地址：台南市忠義路38巷12號
電話：（〇六）二二二八五一八
郵撥：〇〇三四二三〇——一聖禾帳戶

承印：祥光彩色製版社
地址：台南市東豐路53巷31號
電話：（〇六）二二七二五七三
二三七八三六六

中華民國七十四年三月依本寺所藏木版原書影印一千部
佛曆三〇一二
中華民國七十九年七月依本寺所藏木版原書再版一千部
佛曆三〇一七

合刻十不二門指要鈔詳解序

指要鈔者開十不二門之妙鑰也其語深其義邃非利根上智曷能通之有宋可度無極大師深明一家教觀爲之詳解誠如執柯析薪游刃破竹矣然其本釐而未合也學者病之天台雲石師乃無盡大師之高足其兄以立師亦法門之偉人每念及之時復扼腕乃畱意參會成帙未梓行而寂雲公憫兄齋志毅然繼志而梓之以公同學不亦善哉噫此解流通台宗朗如日星矣合帙而觀用志不分法華開會之大旨則又思過且半矣得非大有功於後學歟是不可

一日少緩也函募檀資以付剗氏梓成問序於余
余媿無文而直述其會刻之顛末昆仲之苦心如此
云崇禎辛未端陽後二日武林天台後學沙門海眼
槃譚書於報國院

十不二門指要鈔詳解總序

夫具妙心者人悟妙心者佛闡妙心者教釋妙教者
祖祖言旣玄必因門而入妙門雖闢須得要而登旣
指要之可憑必詳言而始解妙法蓮華經者闡妙心
之至教了佛意之玄詮如來說之於八年結集堆之
以八里梵冊傳來猶太倉之粒粟童壽翻譯如滄海
之一漚然而縮一劫爲一日妙在神通藏刹海於一
塵玄由至理是則雖粒粟可以爲太倉之種一漚可
以收滄海之深七佛釋經之師六萬傳心之旨斯言
不謬厥義可徵若夫嘗一粟而衆味具存見一漚而

瀛渤俱在則惟在吾天台智者大師之具足五舌五
眼乃能得之也蓋大師靈山夙聞大蘇妙悟縱無礙
辯稱性宣揚依迹本二門開待絕二妙如來大事因
緣衆生佛之知見至是殆無餘蘊矣第迹門非遠十
妙難通至理雖彰妙心難悟由是荆溪開以十不二
門四明指以一念心要噫若如來之與智者可謂破
一微塵而出大千經卷荆溪之與四明可謂合大千
經卷而歸一微塵則法華玄義迹門十妙十不二門
指要鈔者真直指人心見性成佛之要門無離文字
而說解脫之秘典也惟約爲博源略爲詳本不有錢

塘可度大師孰傳四明法智精義發爲詳解十數萬
言譬王家椒室相宅朱門非主壺者而莫識其淺深
非司闡者而莫啟其階降良遺澤於後昆流芳於末
運者也惜其未入大藏散於僧寮徒仰嘉名不獲寓
目有四明延慶寺僧傳慧字朗初者詩酒僧也偶於
山寺得獲此書雖知井中具寶不解燃炬而觀以之
進余用當清供余得之如熱渴之滿飲甘露饑餒之
飽飫醍醐冀登梨棗以公同志復以鈔解各行艱於
尋繹命弟子正謚會合其文藏之笥中三十年矣茲
弟子正識堅誠募梓因緣輻輳大法當行垂老覩茲

頗爲稱快然而歸功有自慧僧不無緣因卽此可以
懺生平綺語截舌之懃釋積劫麴蘖灰河之罪因斯
冥益重得爲僧以實語讚性具之宗慧業裂迷癡之
網併將功德普惠四生若自若他俱臻十妙是可酬
山僧流通之志與兩弟子錫類之心爾時皇明天啟
五年歲次乙丑仲冬天台山幽溪沙門傳燈著於四
明延慶寺之羅雲堂

十不二門指要鈔序詳解

宋慈雲懺主遵式 序

宋武林沙門可度詳解

明天台後學正謚分會

指要鈔序

詳解

此題上三字。是所序之正文。序字。是

能序之通目。以別冠通。故云指要鈔序。指要二字。

本序自釋。鈔者。鈔錄爲義。西資鈔序云。夫疏之有

記鈔。蓋後學之曹。記錄要義。抄寫格言。以輔翼其

疏。防乎傳授之謬誤。討尋之忽忘耳。

文

序者。所以

序作者之意。爾雅云。東西牆謂之序。註云。所以序

別內外也。

文

謂見牆。別宅舍之淺深。觀序。知述作

之難易。又序緒也。謂繭之緒也。凡繭之抽絲。先抽其緒。緒盡。方見其絲。今序在初。如絲之緒也。光記

序東山沙門遵式述

詳解

東山。卽台之東掖山能仁

寺。懺主云。東掖山者。蓋予幼歲受經之所。昔年傳法之地也。懺主族姓葉氏。台之寧海人。其母乞靈於觀音大士。夢一美女。授以明珠。咽之。生師七月。能從母。稱觀音名。十八祝髮。二十納戒。初住寶雲。終於天竺。與法智同稟學於寶雲通師。指要旣成。乃爲述序。發明述作之功。沙門如常釋。述者禮云。述者之謂明。作者之謂聖。今云述者。皆謙詞耳。語

云述而不作。

序大教隆夷存乎其人。諸祖既往。玄化幾息。時不

可久替。必有間世者出焉。

詳解

通敘教法興衰在人。

通指佛法。以爲大教。妙玄總序云。大法東漸。籤云。

通指佛教。以爲大法。

文此

對西土外道。此方儒教。

約內外而分大小。隆盛也。夷平也。文選云。道有隆

夷。

文

卽興衰之義。易曰。神而明之。存乎其人。

文存

在也。謂教法興衰在人。得人則興。失人則亡。禮云。

文武之道。布在方策。其人存。則其政舉。其人亡。則

其政息。

文

諸祖者。通指荆溪已前諸祖在世。教法

盛行諸祖既往。則幽玄之化。幾近於息滅矣。文選
云。仲氏既往。玄化幾息。繫辭曰。易不可見。乾坤或
幾乎息矣。文替廢也。問世。卽名德間生於世。孟子
曰。五百年必有王者興。其間必有名世者。文以時
節不可久廢。不遠而復。必有問生者出興於世。荷
負斯道。四明塔銘云。天欲久其道。世必生其人。文
問世者誰。故出其人。

〔序〕四明傳教師禮公。實教門之偉人也。〔詳〕別敘
傳弘之德。四明乃慶元府南面山名。有峯最高。四
穴在上。每澄霽。望之如戶牖。相傳謂之石窗。謂四

畔通日月星辰之光。故曰四明。人尊其道。故以處
名人傳轉也。以己之道轉以授人。導師者。法華云。
有一導師。聰慧明達。文尊者。上字諱知。下字諱禮。
二名不偏諱。故稱下字。公者。尊之稱也。偉大也。謂
奇偉卓絕。一家教觀。賴師中興。故稱偉人。此且總
歎。

序童子受經。便能思義。天機特發。不曰生知之上
性者乎。詳童子。即太和未散之時。幼稚之稱。爾雅
云。人未冠曰童。禮云。人生十年曰幼學。二十曰弱
冠。文弱冠已前。皆名童子。尊者。七歲屬母喪。爲報

鞠育急於出家。從里中太平興國寺洪選爲弟子。卽童時也。受經思義。雖不見所出。尊者之母。旣夢梵僧遺童子曰。此佛子羅睺羅。從而有孕。初出家時。從師受經。必能思義。懺主與師同門。必知其事。天機特發者。天然之機。挺特而發。莊子云。其嗜欲深。其天機淺。文不曰。卽豈非之謂。語云。生而知之者上也。今借用以擬本有性德。宿習開發。義似生知。止觀統例云。生而知之者。蓋性德也。學而知之者。天機深也。

〔序〕及進具。稟學於寶雲通師。初預法席。厥父夢其

跪於師前。師執瓶水。注於口中。其引若泉。其受若谷。於是乎天台大教。圓頓之旨。一受卽了。不俟再聞。師謂之曰。子於吾言。無所不達。非助我也。逮師始滅。公復夢貫師之首。環於左臂而行。詳解敘師資授受。自行化他事。匪偶然。故有奇相形於夢寐。預表彰焉。進具。謂進受具戒。稟學者。按實錄曰。十五受具戒。專探律部。二十從寶雲學天台教。文通師本高麗君族。壯遊中國。當晉天福年間。見螺溪寂法師。了天台宗旨。會漕使顧公。捨宅爲寺。以爲傳道之所。卽寶雲寺也。初預者。預廁也。入也。初入寶

雲師輪下其父之夢蓋受學之先識也父金姓諱經夢尊者跪於通師之前通持瓶水注於口中其引若泉來之而不竭其受若谷注之而不盈孟子曰源泉混混不舍晝夜谷者說文云泉出通川曰谷爾雅云水注川曰溪注溪曰谷謂師之樂說無窮如泉之不竭尊者之容納如谷之不盈谷音欲若作穀音者訓空谷窮谷也於是猶自此也天台大教特言圓頓者別於藏等四教舉其極者言之一家所談功由卽具尊者自此於寶雲言下一遍受之卽能解了不俟再聞師謂之言卽印可之語